







divina essentia est infinita simpliciter in ratione speciei, non tantum est ratio cognoscendi seipsum per modum speciei...

S. VI.

Solvuntur objectiones.

Obijcies primo: Obiectum formale terminativum potentie, debet esse commune omni objecto materiali...

122 Confirmatur: Illud est obiectum formale terminativum alicuius potentie, cum quo convertitur ratio formalis sub qua specificativa illius...

123 Respondeo distinguendo Majorem. Debet esse communis communitate rationis, nego: Communitate reali, aut virtuali...

Explicatur: Cum intellectus divinus sit in summo actualitate & perfectionis intra lineam intellectus, oportet ei assignare perfectissimam objecti communitatem...

124 Obijcies secundo: Divina attributa pertinent ad obiectum formale specificativum, & terminativum divine scientie: Ergo & divini intellectus. Consequentia patet...

Respondeo negando Antecedens, ad cuius probationem...

dicendum est, obiectum formale specificativum & terminativum divine scientie, esse essentiam divinam, ut habet rationem causae respectu creaturarum...

125 Obijcies tertio: Obiectum formale terminativum intellectus divini est aliquid supernaturalis: Sed Deus ut unus non est supernaturalis, cum ratione naturali cognoscatur...

Respondeo negando Minorem: Deus enim non solum ut trinus, sed etiam ut unus, supernaturalis est entitative, in omnium Theologorum sententia...

Obijcies ultimo: Attributa & relationes non sunt obiectum materiale & secundarium ad quod obiectum formale & primarium. Consequentia manifesta videtur...

Respondeo attributa & relationes, neque esse obiectum primarium, neque proprie secundarium intellectus divini: sed veluti modos obiecti primarii & specificativi...

Notandum est ex Ferrarienti 1. cont. Gentes c. 48. obiectum alienius potentie tripliciter posse ad illam comparari. Primo ut sit ratio qua specificativa illius...

DISPUTATIO III.

De Attributis divinis in communi.

Considerata natura & quidditate Dei, consequens est ut eius proprietates & affectiones, quae attributa divina, a Theologis appellantur, contemplantur...

S. I.

Quid & quomodo sit attributum divinum?

Deo primo: Attributum recte definitur, ratio forma quaedam absoluta, in specie atoma constituta, formaliter & necessario in Deo existens, quae ex modo...

de nostro concipiendi, ad essentiam divinam, per modum veluti passionis, & proprietatis eius, consequitur.

1 Explicatur hoc definitio. Primo dicitur, quod attributum debet esse forma quaedam absoluta, ut per hoc distinguatur a relationibus divinis, quia rationem attributi non habent, cum non sint tribus personis communes...

2 Probatur primo: Nam Sapientia & Spiritus Divine Sapientie dicitur trinus & multiplex, unicus propter summam eius simpliciter, multiplex vero ob virtutalem distinctionem...

3 Probatur secundo: Quamvis attributa divina non sint actus plures res, nec plures rationes formales, sed una omnino simplex (ut ostendimus articulo sequenti) haec tamen praestat totum quod praestarent plures, si essent actu distinctae...

4 Confirmatur: Pluralitas & multiplicitas sequitur ad distinctionem: Ergo sicut ad distinctionem realem perfectionem qua sicut in rebus creatis, sequitur realis eorum pluralitas...

Attributa igitur quaedam sunt positiva, ut esse bonum, iustum, sapientem. Quaedam negativa, ut esse incorporeum, immutabilem, invisibilem, incomprehensibilem, ineffabilem, &c. Item aliqua sunt absoluta, quae nullum important respectum ad creaturas...

ARTICULUS II.

An attributa divina, tam ab essentia Dei, quam inter se formaliter ex natura rei distinguantur?

S. I.

Proponitur status difficultatis.

1 Suppono primo tanquam certum de fide, divina attributa, nec ab essentia, nec inter se realiter entitative differere: id est tanquam plures res & entitates inter se diversas. Quae suppositio est contra quemdam Gualterum...

quasi 28. art. 2. Tum etiam quia asseruit, attributa divina non predicari de Deo in abstracto, sed tantum in concreto; quia Deus non esset sapientia, sed sapiens; nec iustitia, sed iustus...

6 Probatur ergo multipliciter hac suppositio. In primis enim, si divina attributa realiter entitative a divina essentia distinguerentur, Deus non esset simplex, sed compositus ex essentia & attributis: At hoc repugnat principiis fidei, & definitioni Concilii Lateranensis in cap. firmiter de Summa Trinitatis...

Tertio, in Concilio Rhemeni, sub Eugenio III. contra eundem Gilbertum definitum fuit, Deum non nisi sapientia, quae ipse Deus est, sapientem esse: nec nisi magnitudine, quae est ipse Deus, magnam esse: quae definitio stare non potest, si Dei sapientia, aut magnitudo, ab eius essentia realiter entitative distinguatur...

Quarto, in Concilio Toletano 11. & in Florentino dicitur, in divinis omnia esse unum, ubi non obviat relationis oppositio: Sed inter essentiam & attributa, vel inter ipsa attributa, relationis oppositio non intercedit, ut constat: Ergo illa unum sunt.

Denique, si attributa realiter entitative a divina essentia distinguerentur, illa non essent actus puri, quia esset perfectibilis per formas a se realiter distinctas, nec infinita, quia in se nec formaliter, nec identice, omnes perfectiones simpliciter simplices contineret.

Hoc ergo supposito tanquam de fide certo, & exclusa inter divinam essentiam, & eius attributa, distinctione reali entitative, in controversiam vertitur, an saltem inter illa admitti possit distinctio formalis ex natura rei, qualem Scotus & eius Discipuli, inter gentes & differentiam, alioque gradus metaphysicos admittunt. Quod ut fiat adhuc evidenti, & status huius celeberrimae quaestionis, quae inter utriusque Scholae, Angelicae, & Subtilis Lippulos versatur, clare percipiatur.

Suppono secundo: Scotum & eius Discipulos, praeter distinctionem realem entitativam, & modalem, quae versatur inter res, seu modos saltem de potentia Dei separabiles, & rationis, quae oritur ex diversis mentis conceptibus, admittere aliam, quae unum ex ipsa natura, & essentia sua, & ante omnem mentis operationem non est aliud, nec de conceptu formali alterius, & ita in sensu formali non identificatur: licet in eadem realitate & entitate conveniant; & ideo hanc distinctionem vocant formalem ex natura rei, id est negantem identificationem in sensu formali, ex ipsa propria rei natura & definitione. Quare Scotus in 1. dist. 2. q. 1. hanc distinctionem magis non identitatem, quam distinctionem, dicit esse appellandam. Sed quicquid sit de modo loquendi, concedit Scotus illam esse realem, & actualem, & praeveneri omnem mentis operationem, ut constabit ex eius verbis, infra referendis. Quaeritur ergo, an talis distinctio inter divinam essentiam, & eius attributa, & inter ipsa attributa, admittenda sit? Ita quod licet in Deo, natura, & attributa, in eadem realitate & entitate conveniant; quidditas tamen & natura unius, ante omnem mentis operationem, non sit quidditas & natura alterius; ac proinde unum non possit de alio in abstracto, sed tantum in concreto predicari, & Deus possit quidem vocari bonus, iustus, & sapiens: Deitas tamen non possit dici bonitas, iustitia, sapientia, &c.

Partem affirmativam tenet Scotus in 1. dist. 7. quasi 4. §. ad 4. afferens attributa divina, tum in se, tum ab essentia divina,



